



**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
JU „Dječije obdanište“ Banovići
Upravni odbor**

Broj: 01-872/24

Datum:06.08.2024. godine

Na osnovu člana 53. Zakona o predškolskom odgoju i obrazovanju/naobrazbi (“Službene novine TK“, broj: 10/20 i 5/22) i člana 60. Pravila o organizovanju i radu JU „Dječije obdanište“ Banovići broj: 01-445/19 od 13.05.2019. godine, Pravilnika o radu JU „Dječije obdanište“ Banovići (broj: 01-587/22 od 18.07.2022 godine, 01-898/23 od 22.09.2023.godine i 01-844/24 od 29.07.2024. godine, Pravilnika o postupku prijema u radni odnos u JU „Dječije obdanište“ Banovići, broj: 01-870/24 od 06.08.2024. godine i Odluke Direktora o raspisivanju Javnog konkursa broj: 02-871/24 od 06.08.2024. godine, Upravni odbor na sjednici održanoj dana 06.08.2024. godine raspisuje:

**Javni konkurs
za prijem u radni odnos**

Raspisuje se javni konkurs za prijem u radni odnos za sljedeća radna mjesta:

1. **Odgajatelj**, puno radno vrijeme, na neodređeno - 1 izvršilac,
2. **Njegovatelj**, puno radno vrijeme, na neodređeno - 1 izvršilac,
3. **Njegovatelj**, puno radno vrijeme, na određeno, najduže do 31.08.2025. godine – 1 izvršilac,
4. **Pedagog - psiholog**, nepuno radno vrijeme, 4 h, na neodređeno - 1 izvršilac,
5. **Logoped i surdoaudiolog**, nepuno radno vrijeme, 4h, na neodređeno - 1 izvršilac.

Uslovi konkursa koje kandidati moraju ispunjavati:

Opći uslovi:

- Da je državljanin BiH;
- da je stariji od 18 godina;
- da je zdravstveno sposoban za vršenje poslova navedenog radnog mjesta;
- da se protiv kandidata ne vodi krivični postupak i da nije pravosnažno osuđen za krivično djelo koje ga čini nedostojnim za obavljanje radnih zadataka,
- da nije obuhvaćen odredbom člana IX stav (1) Ustava Bosne i Hercegovine.

Opis poslova za navedena radna mjesta je propisan Pravilnikom o radu JU „Dječije obdanište“ Banovići.

Kratak opis poslova:

- **Pozicija 1:** Planiranje, organizovanje i osmišljavanje aktivnosti koje potiču razvoj tjelesnih, duševnih i društvenih vještina djeteta uzrasta od 6 mjeseci do polaska u školu i druge poslove u skladu sa Pravilnikom o radu JU „Dječije obdanište“ Banovići.

- **Pozicija 2 i 3:** Njega i briga o zaštiti i unaprjeđenju zdravlja djece u dobi od 6 mjeseci do 3 godine i druge poslove u skladu sa Pravilnikom o radu JU „Dječije obdanište“ Banovići.
- **Pozicija 4:** Koordinira radom odjeljenja u Ustanovi, koncipira i izrađuje program odgojno-obrazovnog rada, planira, priprema i vodi sjednice stručnog aktiva i druge poslove u skladu sa Pravilnikom o radu JU „Dječije obdanište“ Banovići.
- **Pozicija 5:** Vodi propisanu dokumentaciju i evidenciju u Ustanovi, u saradnji sa odgajateljima identificira djecu sa komunikacijskim teškoćama i govorno-jezičkim poremećajima, terapijski rad sa djecom sa govorno-jezičkim poremećajima i komunikacijskim teškoćama i druge poslove u skladu sa Pravilnikom o radu JU „Dječije obdanište“ Banovići.

Posebni uslovi:

Za poziciju broj 1.

Stručna sprema: VSS/VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 180 ECTS bodova, Filozofski fakultet ili drugi nastavnički fakultet/pedagoška akademija - odsjek za predškolski odgoj i obrazovanje i stečeno stručno zvanje profesora predškolskog odgoja ili odgajatelj predškolske djece ili bachelor predškolskog odgoja ili drugo stručno zvanje stečeno na odsjeku za predškolski odgoj i obrazovanje, položen stručni ispit.

Radno iskustvo: 6 mjeseci u predškolskoj ustanovi.

Za poziciju broj 2 i 3.

Stručna sprema: SSS, medicinski smjer u četverogodišnjem trajanju, položen stručni ispit.

Radno iskustvo: 6 mjeseci u predškolskoj ustanovi.

Za poziciju broj 4.

Stručna sprema: VSS (240 ECTS bodova), smjer: Pedagogija – psihologija, položen stručni ispit.

Radno iskustvo: 6 mjeseci u predškolskoj ustanovi.

Za poziciju broj 5.

Stručna sprema: VSS (240 ECTS bodova), smjer: Logopedija i surdoaudiologija, položen stručni ispit.

Radno iskustvo: 6 mjeseci u predškolskoj ustanovi.

Kandidati su dužni priložiti sljedeću dokumentaciju u originalu ili ovjerenj kopiji (ne starijoj od 6 mjeseci):

- Uredno popunjen i potpisan prijavni obrazac sa biografijom (koji je moguće preuzeti u prostorijama Ustanove ili Službe za zapošljavanje TK);
- Izvod iz matične knjige rođenih;
- Uvjerenje o državljanstvu ne starije od šest mjeseci;
- Izjavu kandidata da nije obuhvaćen članom IX stav 1. Ustava BiH ovjerenu od strane nadležnog organa;
- Diplomu o stečenoj stručnoj spremi;
- Uvjerenje o položenom stručnom ispitu;
- Potvrda/uvjerenje o traženom radnom iskustvu izdato od strane poslodavca kod kojeg/kojih je isto stečeno.

Za vrednovanje dopunskih prava branilaca i članova njihovih porodica, kandidati dostavljaju potvrdu/uvjerenje o pripadnosti boračkoj populaciji i uvjerenje da se nalaze na evidenciji nadležne službe za zapošljavanje kao nezaposlene osobe.

Proces izbora kandidata za prijem u radni odnos zasniva se na pismenom i usmenom dijelu ispita, iz oblasti profila traženog konkursom. Bodovanje se vrši u skladu sa Pravilnikom o postupku prijema u radni odnos u JU „Dječije obdanište“ Banovići.

Komisija će o vremenu i mjestu održavanja pismenog dijela ispita obavijestiti kandidate putem pisane obavijesti koja će biti dostavljena na adresu kandidata, (kao i na e-mail ukoliko je isti naveden na prijavnim obrascu) i to najmanje pet dana prije održavanja ispita. O daljem procesu izbora kandidati se mogu obavijestiti i usmeno putem telefona ili e-maila. O odluci o prijemu u radni odnos kandidati će biti obaviješteni putem pisane obavijesti.

Ljekarsko uvjerenje o zdravstvenoj sposobnosti (ne starije od 6 mjeseci) i uvjerenje da se protiv kandidata ne vodi krivični postupak i da nije pravosnažno osuđen za krivično djelo koje ga čini nedostojnim za obavljanje radnih zadataka (ne starije od 6 mjeseci), izabrani kandidati su dužni dostaviti u roku od 8 (osam) dana od dana zasnivanja radnog odnosa.

Upravni odbor zadržava pravo poništenja javnog konkursa zbog sumnje u regularnost učesnika u provedenoj proceduri prijema, tehničkih propusta, objektivnih razloga na koje ustanova nije mogla uticati i drugih razloga.

Rok trajanja konkursa i način podnošenja prijave:

Konkurs ostaje otvoren 8 (osam) dana od dana njegove posljednje objave.

Prijave sa traženom dokumentacijom dostaviti lično ili preporučeno putem pošte u zatvorenoj koverti na adresu:

**JU „Dječije obdanište“ Banovići
ul. Patriotske lige br.1
75290 Banovići**

sa naznakom:

**„PRIJAVA NA JAVNI KONKURS ZA RADNO MJESTO:
_____ - ne otvarati.“**

Nepotpune, neblagovremene i neuredne prijave neće se uzeti u razmatranje.

JU „Dječije obdanište“ Banovići nema obavezu vraćanja dokumentacije kandidatima.



Mersiha Omerović Modrić, dipl. pravnik